



Author: R. K. Bhat

Reviewer	Review Date	Status
Vishal Kachroo	2024-09-19	In progress ▾
		Not started ▾
		Not started ▾
		Not started ▾

अफसानुः मनी पलांट

रूप कृष्ण भट

म्यानि गरुचि डबि प्यठु आँस हीरा लाल निस मकानस
कुन सेदि स्योद नज़र। ल्वकुट म्वकुट बंगलि चालि मकानु।
ब्रोंठुकनि सर सबुज़ लान। लानस अँददय अँददय पोशि

डूरदय। दरवज़स नखु वरंडाहस प्यठ गंवलस मंज़ लगावनु
आमुत मनी पलांट। येम्युक जहार ब्रूठ्य लबि अंदु वंदु
फँहल्योमुत ओस।

येलि ति बु डबि प्यठ नेरहा म्यॉन्य नज़र ऑस सारी
ब्रोंह अथ मनी पलांटस प्यठय येवान, येम्युक सर सबुज़
पन अँछन तरावथ बखशान ओस। मे ओस मथ गछान जि
बु अनु अमिच अख लँड चँटिथ तु लागु पनुनिस बेड रूमस
मंज़। हीरा लाल ओस सुबहन गँडिथ पॉठ्य पूज़ा कँरिथ
नेरमल अँथ्य गंवलस मंज़ त्रावान तु तसुंज़ आशोन्य शांता
जी ऑस प्रथ दूहु शामन पयपि सुत्य अथ सग दिवान। मनी
पलांटकिस पनस ऑस कशि पोन्थ छकान युथ अथ प्यठ
हेनु आमुच़ गरुद छलनु यियिहे। लेहाज़ा ओस पन सर
सबुज़ तु नपु नपु करान।

येलि ति बु शामन बाँग्य दफतरु प्यठु यिमु हा, हीरा
लालुन्य बाँच जु आँस्य अकसर लानस मंज सफेद
कुरसियन प्यठ बिहिथ आसान। युथुय बु डबि प्यठ नीरिथ
तिमन नमस्कार करुहा, तिम आँस्य असान असान मे
नमस्कारस जवाब दिथ बडि बडि आँही करान तु इशारव
सुत्य पानस निश बुलावान। बु ओसुस यि वँनिथ जि वुन्य
कयन नु बु यिमु जरूर बेयि कुनि सातु, तिमन निश गछुन
टालान। वजह ओस नु बेयि कांह बँल्यकि फकत म्योन
आलुछ तु म्यॉन्य मनहूसयत। मे आँस्य लग बग शे रेथ
गाँमुत्य दिलि प्यठु जोम तबदील गाँमतिस, मगर यिमन शेन
रेतन मंज ओसुस सिर्फ अकि फिरि तिहुंद गरु गोमुत। मगर
डबि किन्य ओसुस लग बग द्वहय यिहुंद दर्शुन करान।
हरगाह कुनि द्वह वुछुहाख नु मे आँस तिहुंज कल रोजान।

दरअसुल ओसुस बु दिलि हुंददय लयफ सिटायलन
मिशीन हदयुव बनोवमुत तु इनसानन हुंज स्वहबथ तु वुकथ
ऑसुम मँशथुय गॉमुच्च। बस सिर्फ पनुन पान तु बेयि नु
केंह। हालांकि जैमि ऑस वखतस वारयाह बागनय तु ओरु
योर युन गछुन ओस स्यठा सहल तु अँकिस गंटस मंज
यियिहे इनसान अकि अंदु प्यठु बेयिस अंदस जैमिस छठ
कँडिथ। मगर खबर मे क्वसु शिकस ऑस आमुच्च बु
ओसुस पॉठ्य कयेम्य सुंददय पॉठ्य पनुनिसुय आडंबरस
वलनु आमुत।

हीरा लालस ओस कुनुय नेचुव, सु ओसुस पँत्य म्यव
दँहव वँरदययव प्यठु अमरीकाहस मंज रोज़ान।
ग्वडनिक्यन वँरदयन ओस प्रथ वँरियि गरु यिवान, मगर
खांदरु पतु येलि तस पनुन परिवार बडयोव तसुंद देस युन
गव कम। व्वन्य ऑस्य हीरा लालुन्य बाँच्च जु वँरदयस मंज

शेन रेतन अमरीका गछान तु शेन रेतन ऑस्य जेमि रोजान।
अलबतु पॅत्यम्य द्वयव त्रेयव वॅरदयव प्यठु ओस ओरु योर
यिनुक गछनुक सिललिसु कम गोमुत। मे ओस दिल करान
बु गछु तिमन निश तु करु खुलु पाँठ्य कथा बाथा मगर
खबर क्याजि ऑसुम नु अथ वथय यिवान।

केंचि काँल्य प्यव मे दून रेतन हुंजि ट्रेनिंग बापथ दिलि
गछुन। बु येलि वापस जोम आस हसबि मोमूल द्रास पनुनि
डबि प्यठ तु त्राँवुम हीरा लालनिस मकानस कुन नज़र। मे
गॉयि अँछ रूजिथ। मकानुक नखशय ओस बदल्योमुत। मनी
पलांट ओस नु कुनी बूदय। वरंडाहचि यथ लबि प्यठ तम्युक
जहार ओस तथ आसु लैदरि रंगु नपु नपु करवनि टयलु
लाँगिथ। यथ लानस मंज हीरा लालुन्य बाँच जु अकसर
कुरसियन प्यठ बिहिथ ऑस्य आसान तथ ओस ज्वजुर

पद<À³çÓjççálç~> मे गँयि अकलि बकल ज़ि यथ
क्या गव यि।

कुनी टुकि वोथुस ब्वन तु दवान दवान गोस तिहुंदिस
गेटस निश। तथ वुछुम बोड कुलुफ कॅरिथ। बु गोस हयबुंगु
हदयुव रूज़िथ ज़ि गवय तु गव क्या। बु ओसुस यिमन्य
ग्वतन ज़ि ओरु आव सोन ब्याख हमसाय प्रथवी नाथ।
दोपुन क्या छुख गेटस वुछान, हीरा लालनि अचानक
गुज़रनि पतु आव तसुंद नेचुव अमरीकाह प्यठु। मॉलिस
चूरमि दुहुक क्रया करम कॅरिथ, लागनाव्यन सॉरदयसुय
मकानस अँददर नेबरु टयलु। दोपुन स्व कस छे फुरसथ
युस अथ वाति।

मनी पलांटुच ज़रदेमुच़ लँडा अख अथस क्यथ तुलिथ
वोथ प्रथवी नाथ, "पता छया पनुनि ज़िंगगी हुंददय 35
(पाचत्रुह) वॅरी सरकारस अरपन कॅरिथ येलि हीरा लाल

रिटायर गव यि मनी पलांट ओसुस पनुन्यन साँथ्यव पारटिंग
गिफ्ट ददयुतमुत। अम्युक ओसुस बडु मारु मोत, सख रॉछ
ओसुस करान। दपान ओस यि छु म्यानि खॉतरु यादगॉरी
तौहफु। तम्युक काठ न्युव राथुय बाकुय मलबस सुत्य
म्यूनसपलटी वाल्यव तुलिथ। हाय इनसानस नु कांह कथा
पानस ताम। मॅनी पलांटचि लंजि दूर नालि कुन कश कडान
तु ज्यूठ व्वशा त्रावान वोन प्रथवी नाथन तु द्राव।

बु गोस रौबूदु हदयुव। किहींय फूरुम नु। साँरी सवाल
श्रपेयम मनस मंजुय। आरुकचव चेशमव त्राँवुम हीरा
लालनिस मकानस कुन हेरु प्<îçpe> ब्वन ताम नज़र तु
यीय साँचान ज़ि कंह कथा नु इनसानस पानस ताम, द्रास
फुटमित्यव क्वठ्यव गरु कुन।



